



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Odluka
o pristupanju jedinstvenom Projektu sanacije, investicionog i tekućeg održavanja, te
sistemskog održavanja uređenog korita rijeke Miljacke i uređenih korita njezinih pritoka na
području grada Sarajeva
„Čista rijeka Miljacka“
(Prijedlog)

Predlagač: Gradonačelnica

Obrađivač: Gradska služba za urbano planiranje,
investicije, stambene i komunalne poslove

Sarajevo, novembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na __. sjednici održanoj __. __. 2021. godine, donijelo je:

(Prijedlog)

Odluku

o pristupanju jedinstvenom Projektu sanacije, investicionog i tekućeg održavanja, te sistemskog održavanja uređenog korita rijeke Miljacke i uređenih korita njezinih pritoka na području grada Sarajeva „Čista rijeka Miljacka“

Član 1. (Predmet Odluke)

Grad Sarajevo pristupa jedinstvenom Projektu sanacije, investicionog i tekućeg održavanja, te sistemskog održavanja uređenog korita rijeke Miljacke i uređenih korita njezinih pritoka na području grada Sarajeva „Čista i bistra Miljacka“ (U daljnjem tekstu: Projekat Čista rijeka Miljacka).

Projekat „Čista rijeka Miljacka“ čine projekti iz Programa javnih investicija Kantona Sarajeva za Grad Sarajevo.

Član 2. (Faze realizacije projekta)

Projekat Čista rijeka Miljacka odvijat će se u više faza, od kojih će se prva u 2022. godini odnositi na tekuće i investiciono održavanje uređenih korita rijeke Miljacke i njenih pritoka, izradu cjelovitog projekta sanacije, prioritarno na dionici od Bentbaše do Mosta Suade i Olge, nastavak istražnih radnji izrade projekata sanacije zacijevljenih dijelova pritoka rijeke Miljacke, nastavak realizacije započetih projekata sanacije na vodotocima Bistričkog i Ramića potoka, te Koševskog potoka, uključujući iniciranje kod nadležnih organa iznalaženja rješenja koja imaju za cilj posebnu kanalizaciju fekalnih voda koje se ulijevaju u ove vodotoke, a čiju odvodnju nije moguće riješiti na drugi način, kao i voda iz ispusta sa kolovoza saobraćajnica, a prije ulijevanja u korito Miljacke.

Naredne faze će obuhvatiti nastavak realizacije u skladu sa obezbijedenim sredstvima.

Član 3. (Dužnosti)

Gradsko vijeće Grada Sarajeva daje ovlaštenje gradonačelnici Grada Sarajeva i Pravobranilaštvu Grada Sarajevo da, u okviru svojih nadležnosti, poduzimaju sve potrebne pravne, organizacijske, tehničke, administrativne i finansijske radnje i aktivnosti u cilju uspješne realizacije Projekta Čista rijeka Miljacka.

Član 4. (Finansiranje)

Grad Sarajevo, kao nosilac projekta, kroz odgovarajuće procese, utvrdit će i planirati potrebna sredstva za realizaciju Projekta „Čista rijeka Miljacka“ i osigurati ih iz namjenskih sredstva u saradnji sa nadležnim organima Kantona Sarajevo, dijelom iz vlastitih sredstava, te dijelom iz saradnje na realizaciji ovog projekta sa gradskim općinama, drugim nivoima vlasti, kao i s odgovarajućim domaćim i međunarodnim namjenskim fondovima i drugim subjektima.

Član 5.

(Stupanje na snagu)

Ova odluka stupa na snagu danom donošenja, a objavljuje se u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:

Datum:

OBRAZLOŽENJE

I PRAVNI OSNOV

Pravni osnov za donošenje Odluke o pristupanju Projektu „Čista i bistra Miljacka“ sadržan je u uvodu teksta Odluke. Članom 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), propisana je nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje.

II RAZLOZI DONOŠENJA I OBRAZLOŽENJE PREDLOŽENIH RJEŠENJA

Zakon o vodama FBiH, odnosno Zakon o vodama Kantona Sarajevo, između ostalog propisuje prava i dužnosti Grada Sarajeva u smislu uređenja, održavanja i zaštite vodotoka datih u vlasništvo, odnosno na upravljanje Gradu Sarajevu.

S tim u vezi, Grad Sarajevo je obavezan programirati zaštitu vodotoka, odnosno planirati aktivnosti na uređenju, održavanju, čuvanju i zaštiti uređenih, otvorenih i zacijevljenih vodotoka II kategorije na području Grada Sarajeva, što podrazumijeva investiciono i tekuće održavanje, te sanaciju uređenih korita vodotoka, uz prethodno provedene istražne radove i izradu projektne dokumentacije.

Jedinstveni Projekat „Čista rijeka Miljacka“, pored investicionog i tekućeg održavanja uređenih korita na području grada Sarajeva, čine postojeći projekti iz Programa javnih investicija Kantona Sarajevo za Grad Sarajevo. U Programu javnih investicija Kantona Sarajevo za period 2022.-2024. godine za Grad Sarajevo uvršteni su sljedeći projekti: KSA-GGSA-1 Provođenje istražnih radova i izrada Glavnog projekta sanacije zacijevljenog Ramića potoka od ulazne građevine do mjesta ulijevanja u Miljacku (u dužini cca 1,2 km) i realizacija sanacije (realizacija dvije godine), KSA-GGSA-2 Provođenje istražnih radova i izrada Glavnog projekta sanacije zacijevljenog dijela Sušica potoka do mjesta ulijevanja u Miljacku (cca 2,55 km) i realizacija sanacije u trajanju od tri godine, KSA-GGSA-3- Provođenje istražnih radova i izrada Glavnog projekta sanacije zacijevljenog dijela Pofaličkog potoka do mjesta ulijevanja u Miljacku (cca 1 km) i realizacija sanacije u trajanju od dvije godine, KSA-GGSA-4- Provođenje istražnih radova i izrada Glavnog projekta sanacije zacijevljenog dijela Buća potoka do mjesta ulijevanja u Miljacku (cca 1 km) i realizacija sanacije, KSA-GGSA-9 Nastavak realizacije projekta Provođenje istražnih radova i izrada Glavnog projekta sanacije zacijevljenog Bistričkog potoka od ulazne građevine do mjesta ulijevanja u Miljacku (u dužini cca 1 km) i realizacija sanacije, kao i projekti koji se mijenjaju i dopunjuju i to KSA-GGSA-5 - Inventarizacija ispusta voda sa saobraćajnica u vodotoke (za područje grada Sarajeva i KSA-GGSA-6 – investiciono održavanje i rekonstrukcija uređenog vodotoka rijeke Miljacke na području grada Sarajeva.

Iz analiza zakonskih obaveza Grada Sarajeva, te Plana upravljanja vodama za vodno područje rijeke Save u FBiH, kao i ciljeva i mjera iz strateških i planskih dokumenata koji tretiraju ovo područje djelovanja, formulirani su prioritetni projekti Grada Sarajeva koji obuhvaćaju snimanje postojećeg stanja vodotoka, utvrđivanje mjera, te realizaciju mjera do ostvarivanja vizije čiste rijeke Miljacke u Gradu Sarajevu.

Budući da su ovi projekti uvršteni u Program javnih investicija Kantona Sarajevo, odnosno Federacije BiH, stvorene su zakonske pretpostavke za korištenje namjenskih sredstava za upravljanje vodotocima iz nadležnosti Grada Sarajeva koje Gradu Sarajevu, u skladu sa prioritetima iz PJI, te mogućnostima, prenosi Kanton Sarajevo za vršenje Zakonom prenesene nadležnosti, budžetskih sredstava Grada Sarajeva i drugih nivoa vlasti, te sredstava iz određenih domaćih i međunarodnih fondova, kao i kreditnih sredstava.

Tako se ovom odlukom objedinjavaju projekti Grada Sarajeva iz oblasti upravljanja vodotocima uvršteni kao prioritetni, a sadržani su u Programu javnih investicija KS.

Od projekata sadržanih u PJI, u realizaciji, odnosno u pripremi su određeni poslovi vezani za uređenje i održavanje uređenog korita rijeke Miljacke (sanacija obalnih zidova, pjeskarenje, čišćenje vodotoka od smeća, raslinja, nanosa i sl.), sanacija i rekonstrukcija zacijevljenog vodotoka Bistričkog potoka, analiza stanja i mjera koje je potrebno poduzeti za sanaciju i rekonstrukciju zacijevljenog dijela Koševskog potoka u saradnji sa Općinom Centar i dr.).

Pri realizaciji navedenih projekata, odnosno sada cjelovitog projekta, nužno je ostvariti saradnju sa gradskim općinama, budući da su gradske općine nadležne za upravljanje otvorenim neuređenim vodotocima II kategorije na području grada Sarajeva.

Među osnovnim ciljevima zajednice ovdje je potrebno istaći podizanje svijesti o važnosti zaštite okoliša, prirodnih resursa, a time i zaštite ljudskog zdravlja, usmjeravanje građana na boravak uz čiste i zdrave otvorene vodene površine, ponudom odgovarajućih sadržaja, povećanje isplativosti prostora, nadogradnju turističke ponude i povećanje vizualne atraktivnosti grada.

Pored toga, Projekat podrazumijeva aktivnosti prema nadležnim organima sa ciljem da se na zakonit način riješi problem glavnih zagađivača u slivu rijeke Miljacke, te da se realizuju intervencije na vodotocima, posebno one kojima će se reducirati utjecaji zagađivača na kvalitetu vode u zatvorenim i otvorenim uređenim vodotocima na području grada Sarajeva, te one kojima će vodni objekti postati sigurniji, oku ugodniji i omogućiti građanima odgovarajući pristup i korištenje površina uz vodotoke.

III FINANSIJSKA SREDSTVA

Sredstva za realizaciju ovog projekata su sadržana u namjenskim sredstvima KS koja se, u skladu sa Zakonom, prikupljaju iz vodnih naknada i koja se, između ostalog, usmjeravaju na realizaciju projekata upravljanja vodotocima, a koje Kanton Sarajevo, zajedno sa nadležnostima prenesenim Zakonom, prenosi Gradu Sarajevu za realizaciju projekata dinamikom u skladu sa mogućnostima, ovisno o utvrđenom prioritetu, odnosno o spremnosti pojedine faze projekta za realizaciju.

Gad Sarajevo planira sredstva za realizaciju projekata u Budžeta Grada Sarajeva, u skladu s mogućnostima, a budući da se radi o projektima iz PJI, za njihovu realizaciju može koristiti i kreditna sredstva, sredstva budžeta drugih nivoa vlasti, posebno u dijelu rješavanja odvodnje i prečišćavanja fekalnih otpadnih voda koje dospjevaju u vodotok i drugih zagađivača u slivu, te sredstva namjenskih domaćih i međunarodnih fondova.